



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Series Actorvm Omnivm In Canonizatione Sancti Thomae  
a Villanova, Cognomento Eleemosynarij**

**Romae, 1658**

Valentina. Canonizationis B. Fratris Thomae de Villanoua.

**urn:nbn:de:hbz:466:1-9857**

spanias Tabellario transmisso, Romæ Artificibus, quæ construenda essent commiserunt.

Ipse verò decretum Sacrae Congregationis tenoris, ut sequitur, euulgauit.

## Valentina. Canonizationis B. Fratris Thomæ de Villanova.

In Causa Canonizationis Beati Fratris Thomæ de Villanova, Archiepiscopi Valentini Ordinis Eremitarum S. Augustini, expletis omnibus, quæ nouissima etiam Decreta expetunt: de mandato Sanctissimi Domini Nostri Alexandri Diuina dispositio Papæ VII. in Generali Sacrorum Rituum Congregatione, habita coram Sanctitate Sua, per Eminentiss. D. Card. Pallotum facta fuit plenissima, & distincta Relatio vitæ sanctitatis, virtutum, & miraculorum, necnon actorum omnium in eadem causa ab eius introductione, & reassumptione, tam de his, quæ præcesserunt, quam de his, quæ Beatificationi successerunt; eaquæ audita, Sanctissimus (quamvis Sac. eadem Congregatio alias die sexta Decembris 1621. censuisset, posse quandocumque ad solemnam eiusdem Beati Canonizationem tutò deueniri) tum Consultoribus, cum Cardinalibus ibidem præsentibus imperauit, vt singuli suas sententias rursus aperirent, & omnes fuerunt vñanimis in affirmatiua, scilicet, vt B. Thomas, ob insignem in pauperes liberalitatem, cognomento Eleemosynarius, quem Deus Præsulibus præsertim in exemplum posuit, eorumdem, ac reliqui Christi fidelium coetus venerationi, vt cum Deo regnans, proponendus omnino videatur; id quidem in maximam Ecclesiæ militantis utilitatem, & solamen cessurum fore, non hæsitan tes. Die 12. Iunij 1658.

Mox ipse aliam Relationem concessi in Consistorio Secreto per Eminentiss. Dominum Cardinalem Sacchettum Sac. Congr. Prefectum referendam; idemque Consistorium præcedenti die

dc

de more indictum, celebratum fuit die 2. Septembris, in quo post auditos à Sanctissimo Cardinales, clausis de more ianuis, Carnalis præfatus eamdem relationem mira pietate perlegit.

Charitatis Triumphum loquar, Beatissime Pater, Beati Fratris Thomæ de Villanova Archiepiscopi Valentini assiduum, ac septuagenarium propè bellandi, semper què vincendi studium dum referam; triumphum scilicet ob partam à peccatis victoriam, non quidem libertate vindicata, verùm illa acerrimè propugnata: nequaquam ob iugum seruitutis unico, & præciso certamine excussum, sed diurna, ac nunquam intermissa dimicatione vitatum. Etenim Thomæ charitas non potuit operire multitudinem peccatorum, à quibus ille (è graibus inquam) se immunem custodiuimus, sed virilius agendo, ita tentationes omnes retudit, vt idem innocentem vitam, usque ad supremum articulum mirificè duxerit. Huiuscè autem ingentis virtutis elogium concisa narratione pertexam, ne debitum Maiestati Auditoris, obsequium me neglexisse, meritò reprehendar.

Natus est Thomas de Villanova in Castro Fontisplani Toletanæ Dioecesis, in Domo materna, anno millesimo quadringentesimo octogesimo octavo, ex Alphonso Thoma Garzia de Villanova eiusdem Dioecesis Oppido, & Lucia Martinez Castellana. Hi Religionem Catholicam adeò coluere, vt in suis Domibus Inquisitores Regni Murciæ hospitio excipere solerent: in pauperes verò liberales adeò fuerè, vt nunquam à se vacuo sinu egenum abscessisse permiserint.

Thomas verò ibidem baptizatus, pia educationi ita respondit, vt puer adhuc rationis ysu carens, apprimè tamen intellexerit super egenum, & patiperem; si quidem ientacula sibi, gymnasium petenti, tradi solita, esurientibus partiebatur; sago thorace, caligis, pileo, & pallio exutus domum crebro repetebat, quibus nudos operuerat, & pane quotidiano à genitoribus elemosynæ addicto, integrè iam disperso, nè egenis aliquando ostium subinde percutientibus alimoniam denegaret, portiō nem sibi ad prandium constitutam, precibus à Matre acceptam, spondens ea die se minimè comesturum, ijs largiebatur: At ægrè ferente Matre, Thomam simili abstinentia viribus nimium

destitui, is, nè animum eamdem portionem egenis tribuendi propalaret: illa, ac si cum amicis comedenda, extra domum delata, & pauperibus tradita, se saturum demonstrans, ea die prorsus à cibo sibi temperabat.

Pubes factus, & ad ætatis gradum supra modum crescente eius in Deum, & proximum charitate, nullius tribulati lamenta contempsit: nullius egeni reiecit supplicationes; oculus fuit cæcorum: claudorum pes: pauperum diuitiæ: afflictorum spes, & solatium; A Genitore missus ad Agrum, vt messi præcesset, cibum sibi, ac messoribus allatum, egenis spicas colligentibus, distribuebat. Et iussus aliquando, vt à pauperibus Agricolis frumentum à pio Parente gratis accommodatum, recuperaret, si eos inopia pressos experiebatur, Patrem enixè rogabat, vt illis debitum pro Dei amore remitteret, semelquè veritus, nè Pater precibus non assentiret, Villico debitori imperauit, vt saccos, nisi posset frumento, palea refertos ad horreum deferret, quibus mox in horreo vacuatis, interrogatus Patri respondit: saccos à Villico plenos iam delatos in horreo vacuasse, & ita mendacium effugiens, Villici inopiæ consuluit.

Oua recens nata, ad Xenodochium languentibus reficiendis, deferebat, & vna die egenis ostium percutientibus, cum Mater è domo egressa esset, imparato, nec dimislo pane ad eleemosynam constituto, pullos è gallina domi existente subtractos, inter pauperes diuisit: Matri de illis sciscitanti respondens, mater domo egressura, quæso panem pauperibus frangendum dimitras, vt redux posthac pullos inuenias.

Ecclesiæ frequenter adibat, & orationi etiam domi semper assiduus cilicio, & flagellis carnem domabat, quæ in cubili, ab eo per obliuionem relicta, Mater, non præter admirationem, aliquando reperit; Præterea eò modestus fuit, vt nunquam, à terra oculos eleuare consueuerit; adeoque castus, vt Virgo una omnium voce diceretur.

Talibus quibusdam præludijs puer præparabatur ad eum, qui se manebat in fortiori ætate conflictum, iamquè ipse Aduersarium prouocabat. Hinc iam, idest ab adolescentia eius, cœpit manifestius apparere, quid esset in homine, & gratia Dei in illo vacua non videri. Ad Collegium Sancti Ildephonsi celebris Academiæ Complutensis missus, ibi què litteris omnibus, ac præsertim

fertim sacris adipiscendis intentus; non impatiens Magisterij: non fugitans disciplinæ: non lectionis fastidiens: non ludorum vtiquè appetens, proficiebat supra omnes coetaneos suos in illa literatura, quæ illi competebat ætati; nam in disciplina morum, profectuquè virtutum, etiam super omnes docentes se in breui enituit, Spiritus Sancti vunctione magistra. Hac solicitante exercebatur petere secretum, anticipare vigilias, meditari in lego, refici parcius, & ante Crucifixi imaginem orare frequentius.

Et auditio Patris obitu, cogitans nil sibi posse perire ex omnibus, quæ in opus pietatis expenderet; Domo paterna in Cœnobium instituta, alendis ibidem egenis Virginibus integrum patrimonium addixit; fœnerator egregius, id totum tradens, quod retinere nequibat, recepturus, quod nūquam posset amittere, modicum dimitens, centuplum accepturus: temporali se possessione abdicans, ut sempiternam hæreditatem assequeretur. Cuius exemplum imitata Agnes Garzia eius amita valde locuples fœmina, venditis omnibus, quæ possidebat, ea in pauperes erogauit, & Xenodochium quotidie inuisens, languentium obsequijs residuum vitae consumpsit.

Thomas autem, ijs vita innocentia, morum integritate, ac omnium virtutum cumulo, ad vigesimum septimum ætatis annum, adductus, videns industrius vir, quām in maligno mundus positus sit, & cogitans, qualem spiritum iam à Deo accepisset, simul què attendens, se thesaurum hunc habere in fictili vase, verendumq; esse, ne impingeret, & frangeretur, & effunderetur oleum lætitiae, quod portabat: mundo vale dicens, in Conventu Salmantino Sanctum Augustinum sibi Magistrum, parentem, defensorem, quæsiuit; & cum, mira abdicatione suæ voluntatis, ac exacta Regularis instituti obseruatione, se veteranum militem esse, experimento comprobasset, ad eius Religionis spiritualem, militiam, votis emissis, adscriptus fuit. Nonum iam bellum, contra vitium indixit Thomas, & qui de hoste validissimo in se ipso triumphauerat, illum de proximorum cordibus profligatus, linguæ sarculo cœpit euellere, destruere, dissipare vitia, factitans quotidie praua in directa, & aspera in vias planas, verbo oris Domini; clamans etenim, non cessauit quasi tuba exaltans vocem suam, peccatores ad officium reuocare, & daemonio-

rum.

rum genūs, quod verbo ejcere ab obseſſis animabuſ non poterat, orationibus, ieunijs, crebrisquè flagellis expellere satagebat. Ita deniq̄e totus ſuus, & totus omnium erat, vt nec charitas à custodia ſui, nec proprietas ab utilitate communi illum impediret; Primus omnium in Chorum ingredi, vltimus ex illo egredi conſuetus, in meditatione affiduus, in abſtentia exactifimus, in humilitate ſublimis, ditissimus in paupertate, breui factus eſt in fluuium magnum, qui riuulus erat, & riuus ibat, & intumescebat inundans, & negans omnino transitum volentibus malignari.

Quapropter, vix biennio elapſo, Prior eiusdem Conuentus Salmantini ſuffectus, deinde ad prætantiora quæque munia euectus, Prioris videlicet, Sancti Augustini Burgensis, Visitatoris Prouinciarum Bethicæ & Castellæ, Prouincialis, ac Definitoris eiusdem Prouinciæ Castellæ, ac Prioris Vallisoletani, Viris vitæ ſanctimonia & litterarum prætantia insignibus Sancti Augustini familiam auxit.

Regularem verò disciplinam penitus collapsam in Cœnobijſ, quibus idem præfuit, indefesso studio, & grauia paffus incomoda reſtituit, quare inter Reformatores Constitutionis Ordinis numerari promeruit.

Pro his autem eius in dies crebrefcente fama, nomen grande adeptus eſt Thomas, itaut glo: me: Carolus Quintus Imperator Augustus, & Philippus Secundus Rex Hispaniarum Catholicus, eum Granatenſi Ecclesiæ præficiendum Summo Pontifici præſentaffent, niſi ille eam accipere constantiſſimè renuiffet; Sua enim Cella, & ſola tunica contentus viuens, omne ſublime haud ſecūs, quām ſuūm præcipitum declinabat. Cæterū acceden- tibus ad vim faciendam Superioris consilio, atquè mandato, à quibus ille pendebat totus, vix tandem proposito cefſit; vacabat enim tunc Sedes etiam Valentina, cuius deplorabilem ſtatū, ob diuturnam eius viduitatem, commiserati pij ijdem Principes, egerunt, vt Thomas illius curam fuſcipere cogeretur, idquè ex voto euenit: nam Thomas licet inuitus, & multis cum lachrymis, cellam reliquit, & ad Ecclesiæ poſſeſſionem capiſſendam, quo- uis fastu contempto, habitu tantū Religionis indutus, vni- ſocio comite itineris adhibito, pedes contendit.

Vbi

Vbi cum multitudinem operantium iniquitatem, & esse tempus inibi comperisset, ut ne dum laici, sed etiam Clerici, sanam doctrinam non sustinentes, ad sua desideria coaceruarent sibi Magistros prurientes auribus: & à veritate quidem auditum auertentes, ad fabulas conuerterentur, repente cœpit crebris ieiunijs, flagellis, orationibus, se victimam pro ouibus offerre, & Dei iram placaturus pro subditorum peccatis Altaria cumulare votis, hostijsquè pacificis. Mox coacta synodo, Clerum reformatum: nam, & zelans erat, nec deerat scientia, zeli moderatrix; & quidem infirmus infirmis, & nihilominis potentibus potens, superbis restitit, verberauit arrogantes, non minus plebis infimæ, quam nobiliorum Magister; sanè ignis vrens in consumendo criminum vepres, securis in deiicio plātationes malas, & in abolendo quilibet in Clero, & populo comprehensas malignitates per Angelos malos; clamans, ini quis, nolite iniquè agere, & delinquentibus, nolite exaltare cornu, pietatem ubiqs plantauit, vitium auulsit; quicquid enim indecorum, vel distortum obuiam habuit, non sustinuit oculus eius, sed velut grando grossos è sicibus, & sicut ventus puluerem à facie terræ, sic coram facie sua, eiusmodi nisus est pro viribus exturbare à grege suo; Ros verò vitalis irrigans, & fructificans, assiduis concionibus pueros Christianæ vitæ legibus erudiuit, adultos ad pœnitentiam peccatorum, & vitæ sanctitatem animauit; ac viros cœno pertinaciter immersos, extraxit. Ita enim eum concionari audientes intrinsecus vulnerabantur, ut inde plurimi repente ad Confessarij pedes admoti, anteactæ vitæ semitam deseruerint: quos verò pertinaciores experiebatur, ascitos, carnem ipsam flagellis coram eis obtundens, suo liuore sanari à Deo cum lachrymis, impetrabat.

Nec dignè quis posset exprimere, in quantis vexatus, quibus contumelijs affectus, quibus laceffitus iniurijs, blasphematus obsecraret, iniuriatus apponeret scutum patientiæ, vincens in bono malum. Et quidni vicerit? cum perseverater, pulsans, obsecrans, arguens, increpans in omni patientia, & doctrina, quousque aliquando tandem pulsanti aperiretur, & sequeretur, quod veritas pronunciauerat, secuturum; Cessit itaq; duritia, & domus exasperans sensim leniri cœpit, paulatim correptionem

admi-

admisit, recepit disciplinam; itaut, qui iam populus Dei esse defierat, Dei populus esset, & ipse, qui iam appetebatur iniurijs, Pater, & Dominus ab omnibus colcretur, & passim S. Paulus, S. Ioannes Chrisostomus, Christi Apostolus, Diuinus intellectus, ac cereus Diuini amoris nuncuparetur.

Et mēritō Diuini cereus amoris vocitari conueniebat eum, qui tanta in Deum charitate incendebat, ut crebrō dicere soleareret, sibi tolerabilius futurum, se in infernum præmitti, quām non diligere Deum, & prægnibus, & tormentis magis terri, quod, qui cruciantur in Inferno, Deum oderunt.

In proximum quoq; quoad temporalia, operosam charitatem æquauit, grauitate ætatis, & excellentiæ gradibus, iusta consideratione perpensis; pauper sibi, & pauperibus diues, hilaris dator, petitor rarus, verecundus acceptor, effudit animam ipsam esurienti, nec vñquām inter loculos inclusit salutem inopum: saeculum intelligens, rem pauperum eis denegare, & fassus, gloriā Episcopi esse, pauperū opibus prouidere, studere proprijs diuinitijs ignominia, redarguebat auaritiam Clericorū, inquiens, quod si penēs se vel obolum pauperibus non erogatū, post obitum, comperiri contigisset, suum Cadauer Ecclesiastica sepultura' indignum haberetur. Quare pingues Episcopalis mensæ redditus egenis distribuens, laceris in duebatur vestibus, quas suis manibus resarciebat, nē si recentibus vteretur, pauperibus largius subueniendi, sibi facultatem adimeret: proprium cubile stratum asseribus, vel garmentis adhibebat, nē noctes insomnes egenos ducere permitteret: ac tandem ventri subtrahens, vt esurienti escam pinguius præstaret: duas inter se contrarias affectiones, propriam scilicet satietatem, & fratriis famem, mirabili continentia temperabat.

Ob eiusmodi verò sublimis, & omnium præstantissimæ virtutis diuturnum exercitium, Thomas ita Diuina consuetudine frui promeruit, ut planè à sensibus abstraheretur, nec ministrum succientem vestem, dum sacra conficiebat, aduerteret, imò semel eleuatus à terra duodecim horarum interuallo permanserit: Ac propterea à concionibus prorsus vacare, & à Diuinorum operatione palam abstinere coactus est.

Ecclesiasticæ libertatis acerrimus vindex, Rectorum mundi minis

minis nunquam flecti potuit, quin illam pro munere non tueretur; & semel expetitus a Canonicis Cathedralis, ut Collegamus ad carceres laicales detrusum, sibi restitui mandaret, inquit, ne dubitetis fratres, etenim ipse magis gloriosam mortem, quam odibilem vitam amplectar, & lubens ad supplicia praebeo; institutaque subinde, sibi Præbendatum reddi, & Regios Ministros pertinaces adhuc anathemate plexit, Ecclesias interdicto subiecit: verum illi obstinatores effecti, ingentem Thomæ vim animi, varijs artibus frangere studuerunt; fracti tamen ipsi, Præbendato e carceribus libere dimisso, publicæ pœnitentiæ subiecti sunt.

Erectis demum tribus Collegijs Compluti, Oriolæ, ac Valentia, in febrim incidit, & lecto decubuit, & populus Valentinus cum illo omnis: febre autem inualesceat cum prorsus desperatur de vita illius, ab Episcopo Segriano eius Suffraganeo, propè iam esse mortem in ianuis, audiuit. En homo securus in morte, & nedum mortuus, iam certus de vita? exultauit ut Gigas ad currēdam viam, eleuatis ad Cœlum oculis, inquiens, *Lætatus sum in his, quæ dicta sunt mihi, in domum Domini ibimus,* & mox iactando cogitatum suum in Domino, ait, *Domine, si adhuc, populo tuo sum necessarius, non recuso laborem, si n minus, cùpio dissolui, & esse tecum.* Et pauperrima supellecili inter pauperes familiares diuisa, quinque mille aureos, quos Oeconomus familiæ necessarijs clam asseruabat, eique agenti animam propalauerat, statim in egenos erogari iussit, & audito, quod omnibus pauperibus satius subuentum esset, verum mille, & quingenti aurei restarent, turbatus addidit: *Cur hic me detinetis adhuc, nè eam ad fruendum bono, quod mihi paravit Dominus?* puto enim præsentem vitam protrahet, vsquæ dum sciam, nihil domi superesse; Properate igitur, & opus absolute, nè ipse diutius hic in labore remorer, sed tandem in pace Christi quiescam. Eiusmodi verò nummorum residuo pauperibus distributo, Deo gratias agens, ita affatus est; *Nunc latus ad agonem propero, nudus cum nudo, nil habens unde tenear, strenuè luctaturus.* Vocatus est Clerus, adfuit, & ille oculos eleuans in eos, inquit, *mei memineritis, ego vestri ( si licuerit ) non obliuiscar: licebit, confido.* Credidi in Deum, et omnia possibilia sunt credenti, amavi Deum, amavi vos, et Charitas nunquam excidit. Mandata Do-

mini custodite, debitam sanctitatem tam ex celso ministerio seruate, & Apostolicæ Sedi ob sequentes vos perpetuo profitemini; Mox uictus est sacro Oleo, & sumpto Viatico, recordatus quod nihil in diuisione supellestilis cuidam pauperi Commentariensi tribuisset, illi, ad se vocato, cubile, in quo iacebat, elargitus est, eundem rogans, ut obliuionis pœnam ipsi remitteret, ab eo quæ renuentibus familiaribus ipsum humi super storem proster nere, eiusdem cubilis ysum pro Dei amore flagitauit, usque dum moreretur.

Demum semel adhuc sub speciebus videre cupiens **Deum**, Saluatorem suum, quem protinus facie ad faciem intueri posse, sperabat, innuit, ut in suo cubiculo sacrificium conficeretur, & interim sibi legi voluit Euangelium Passionis Domini, eo que auditio, & mira pietate, Augustissimo Sacramento, ad eleuacionem adorato, præ gaudio vino lachrymarum profundens, recitauit psalmum: *Nunc dimitis seruum tuum Domine, secundum verbum tuum in pace:* addiditque versum: *In manus tuas Domine commendabo spiritum meum,* & haec dicenti, die octaua Septembris, vesperi Nativitatis Beatissimæ Virginis inter septimam, & octauam horam anno salutis millesimo quingentesimo quinquagesimo quinto, ætatis sue sexagesimo octavo, dedit Dominus seruo suo somnum; & ecce hereditas Domini filij merces fructus ventris. Cumquæ populus Valentinus, qui audita Parentis desperata salute, Dei misericordiam imploraturus, stationibus, & supplicationibus totus intentus erat, percepisset, se iam eo præsidio destitutum, quo diutius iuuari enixè poscebat, in gemitus, & suspiria se dedit: gemitus quidem vsu, non ratione laudabiles, cum pretiosa mors Sancti in conspectu Domini, gaudio, haud moerore miscenda sit. Cadaueris vero aspectu in tam ingenti iactura idem populus adeò se leuari posse putabat, ut illud Pontificibus indumentis, & florea corona Virginitatis eius insigne, ad Ecclesiam Beatissimæ Virginis de Succursu delatum, humo tradi abnuiisset, nisi fratres eiusdem Monasterij sepulturæ horam occultassent; talis enim erat gratia Cadaueris, vt viuenti non dissimilis appareret, eadem viuacitate vultus, serenitate eadem, qualis esse solet in dormiente, adeòut mortem nil horum tristesse, magis auxisse plurimum, putaretur.

Ac-

Accessere subinde veneratio, & assidua populi frequentia, non solum ad eius sepulcrum, sed ad Cubiculum, in quo Compluti studijs vacans habitabat; etenim se mirabilem Deus, opem Thomae implorantibus, ostendebat.

Editis propterea processibus, tum auctoritate Ordinaria, cum Apostolica in genere, & in specie, ijsque discussis in Rota, & in Congregatione Sacrorum Rituum, decretum emanauit super validitate, & relevantia eorundem, nedum quoad famam, & crebrescentiam famæ sanctitatis, & venerationis, verum etiam quoad virtutes, quas in Thoma heroicè claruisse, eadem Congregatio declarauit.

Siquidem ille fines rationis, usum imbecillis naturæ, ac experientiæ terminum transgressus, inualidam humanæ mentis aciem, per fidei virtutem, in æternitate fixit: ac intellectum, fidei mercedem fassus, non intellexit, ut crederet, sed credidit, ut intelligeret, & nedum credidit, sed iustus ex fide viuens, ad iustitiam operatus est; ambulans vero per fidem, ad spem peruenit, qua ad id, quod credidit, se peruenturum certissime confidit; & tantum adhaere-re Deo, ac ponere in eo spem suam, bonum esse arbitratus, fal-lacem hominum spem, fluxamque seculi fortunam contempsit.

Et per charitatem, qua flagravit in Deum, proximi dilectionem gignens, & per amorem proximi, Dei charitatem enutriens omnibus omnia factus est, ut fidelium animas Christo regeneraret: optimèq; intelligens, panem esse famelici, quem tenuisset, nudi tunicam, quam in abdito conseruasset, discalceati calceum, quem penes se marcescere pertulisset, egeni argentum, quod possedisset, omnia dispersit, dedit pauperibus, & fidelis seruus, & prudens, quem constituerat Dominus super familiam suam, ut daret illis in tempore tritici mensuram, non ibi bona reliquit, unde exire debebat, sed illò præmisit, quo iturus erat, illic substantiam suam collocauit, ubi Patriam habebat, thesauros tan-tum in Cœlis constituens, in quos vnicè respiciebat. Ad cognoscendam vero prudentiam cor suum inclinauit Thomas; præsen-tia ordinauit, ac præteritorum non immemor futura præuidit: non superbijt, nec vñquam curauit de seculi rebus, ut potè ca-ducis; tanquam aliena se habere, quæ possidebat, aduertit: & nihil præter rectum, et laudabile gessit.

Iustitiae autem virtute præditus, nil sibi alienum vindicauit, sed cuique Ius suum tribuens, propriam neglexit utilitatem, ut communem feruaret æquitatem: quò demum in iustitia apparet in conspectu Domini.

Fortitudine animi quidem insignis, ut potè perfectè sciens quid tolerandum, quid non perferendum sit, aliena mala fortiter tolerans, aduersus omnia vitia inexpiabili prælio decertauit, ac iniurijs affectus, contumeliam non doluit, sed lapsus, lacerdantis ingemuit: prosperis non eleuatus, tristibus nunquammersus.

Ac tandem virtute temperantiæ non impar, dum vita eius corporis artus vegetauit, fuit castus, sobrius, & quietus, quos cunquæ appetitus, & naturales motus, virtute reprimens, atque sedans.

Ex quarum omnium virtutum cumulo Spiritus Sancti dona satius deducuntur, quæ sanè cum illis indissolubili nexu sociantur. Quamobrem eorumdem probationis narratione pretermissa, ad alios causæ progressus procedam.

Successiuè Congregatio censuit, constare de miraculis, & propterea declarato quod posset ad Beatificationem deueniri, Paulus Quintus decreto Congregationis annuens litteris datis decimo octavo Calendas Octobris, anno millesimo sexcentesimo decimo octavo, Thomam vti Beatum coli posse concessit; mox alijs miraculis in eadem Congregatione discussis, & approbatis, firmatum fuit octavo idus Decembris anno millesimo sexcentesimo vigesimo primo, tutò posse ad solemnem eiusdem Beati Canonizationem procedi.

Denique in executionem decretorum Sanctissimæ Inquisitionis, duobus alijs miraculis post Beatificationem peractis, nuper per Sanctitatem Vestram approbatis, communi iudicio, & uno ore, ad Canonizationem Beati Thomæ tutò posse deueniri, repetitum fuit; eò quod plurimum expedire visum sit, vt is fideli bus celebrandus proponatur, quem si imitari non pigeat, id quidem non nisi cum ingenti cuiusvis conditionis hominum utilitate fiet, ut potè Beatus Thomas, puer, laicus, Regularis, Sacerdos, Præful, innocentia æquè seruata, charitatis exercitium nunquam prætermiserit.

Nè

Nè verò miraculorum narrationem prorsus p̄t̄teream, à breuitate minimè discessurus, ea tantum percurram.

Dum inter viuos Thomas degeret: Cum semel horreum Episcopale tritico penitus exhaustum, Ministri scopis mundassent, imperato subinde per Thomam, vt pauperi foeminæ subsidium frumenti daretur, horreum adeò plenum tritico inuentum est, vt grana è ianuæ rimis redundarent, eaque vi frumenti compresa, vix posset obserari.

Quendam egenum Cæsaraugstanum quadraginta quinque annorum paralysis morbo contractum, & pedum officio prorsus destitutum, signo Sanctissimæ Crucis super eum producto, Thomas momento sanauit.

Post mortem verò Paulus Franciscus Cardona septem mensium labore febris consumptus, ac tandem extinctus, Thomæ auxilio per Genitricem implorato, in vitam reuocatus est.

Sperantia Valeria febri decem mensium vexata, ac vita functa, Thomæ intercessione reuixit.

Francisca Nadal læthali carcinomatis morbo, ad extremum, vitæ perducta, semel, nec frustra, Thomæ ope efflagitata, pristinæ sanitati restituta est.

Catharina Vincentia insanabili plagarum morbo quiaquen- nio affecta, dum exhaustis viribus iam posita esset in extremis, ad Thomæ patrocinium confugit, & perfectam sanitatem recepit.

Marcella Lizania triennis ophtalmiæ morbo diù excruciatæ, à Medicis tandem derelicta, dum pro salute illius, sacrum in Altari Beati Thomæ conficeretur, repente lucem ita perfectè recuperavit, vt Solem sinè læsione aspiceret.

Petrus Antonius Sutor pedibus adeò impeditus, vt nequè fulcimentis innixus incedere posset, Thomæ se deuouit, & incessum liberum obtinuit.

Iacobus Ceruera incurabilium ulcerum dolore quatuordecim annorum spatio vexatus, & humanis remedijs iuuari posse diffisus, Thomæ præsidium expostulauit, & sanus euasit.

Vincentius Cyprer forti paralysi correptus, Thoma exorato, repente breui somno sopitus, & expperctus, se prorsus immunem à morbo reperit.

Catharina Montalta lactis defectu cruciata, eò quod ob rei fa-

familiaris inopiam, infantem alteri lactandum tradere non posset, admotis ad vbera flosculis, quibus Thomæ Sepulchrum respersum erat, in instanti, lacte adeò fœcunda evasit, ut illud è papillis præ copia diffueret.

Ludouicus Lemosy Chirurgus à podagræ morbo, quo sex annorum spatio laborauerat, sola Thomæ intercessione sanatus, eò preservatus est, vt nunquā exindè, vel minimam recidiuā passus sit.

Ioannes Alapont buccini pulsator in morbo deformis herniæ, vigintiquatuor annorum curriculo, confirmatus, dum ferè ageret animam, auxilium Beati Thomæ implorauit, & dicto citius, recessit ab eò morbus, & omnis pariter ægritudo.

Vincentia Mattheū ex imo putci tres ferè post horas vno exanimis educta, exorato per Parentem Beati Thomæ præsidio, vires, ac spiritum reassumpsit.

Et hæc sunt, Beatissime Pater, nonnulla ex innumeris fermè signis, quæ testes attulerunt, à Congregatione Sacrorum Rituum discussa, & præter hæsitationem approbata, clariora scilicet, quæ Deus edidit argumenta, tūm in vita, cūm post mortem Beati Thomæ, vt eiusdem Serui sui amicitiæ Sacramentum nobis aperiret, cum satiùs merita benedicentis miracula declarant. Quamuis non mirum, quòd mira operatus sit Thomas mirabilis ipse: immò non ipse, sed in ipso Deus, qui facit mirabilia magna solus, mirabilis in Sanctis suis. Et hinc prævia discussione, & approbatione virtutum in gradu heroico, sanctitatis Thomæ argumentum hausit eadem Congregatio, imò verius Sanctitas Vesta, quæ nouissimè iussit, isthæc ipse in Augustissimo Senatu referrem: idem enixè poscentibus Philippo Quarto Hispaniarum Rege Catholico, Regnis, Præfulibus, Vniuersitatis, Academijs, & Proceribus totius Hispànicae ditionis, necnon vniuerso Ordine Eremitarum S. Augustini. Duxi.

Prædicta relatione absoluta, Sanctissimus sub his verbis Cardinalium sententias exquiruit.

Audistis venerabiles fratres quæ Beati Thomæ de Villanova Archiepiscopi Valentini præcellunt, et merita virtutum, & miraculorum insignia. Placet nè vobis, vt ad eiusdem Beati Canonizationem procedatur?

Tunc

Tunc singuli Cardinales, verbo tantum, Placet, vnanimi voto approbarunt sensum procedendi ad solemnem B. Thomæ Canonizationem. mox in eodem Consistorio fuerunt è more præconizatæ, & propositæ Ecclesiarum prouisiones.

Statimæ absolutum fuit Consistorium prædictum, Typographo Camerali curam imprimendi Relationem præfatam demandavi, quam impressam à Procuratore Generali Ordinis Sancti Augustini singulis Cardinalibus, & Episcopis, in Vrbe degentibus distribui curaui, vt ex illa ijdem merita Canonizandi percipere, & Sententias in Consistorio semipublico proferendas prudenti iudicio desuper firmare, easquè in scriptis redigere possent.

Feria secunda die 9. Septembris Cæremoniarum Magistri, iussu Summi Pontificis, consignarunt Cursoribus schedulam Intimationis Consistorij publici :

Feria quinta die 12.eiusdem celebratum fuit huiusmodi Consistorium publicum in Aula Regia Quirinali. Sanctissimus, præeuntibus Cruce, & Cardinalibus, sede vectus, ad Aulam prædictam è Cubiculo Paramentorum vulgo nuncupato, perrexit, induitus Pluiali rubeo, Phrygio opere elaborato, & mitra redimitus. Ascendit solium, sedit, & excepit illicò Cardinales cappa violacea amictos ad obedientiam ; mox Ego Diaconis Assistentibus innui, vt ad sedile Diaconorum se reciperent, & confidentibus omnibus, facultate à Sanctissimo obtenta, Consistoriali Advocato Domino Marco Antonio Buratto imperauii, vt Relationem inciperet, quam his verbis idem absoluit.

In Terris humana mens B. P. Cœlo oriunda intra capitis nostri claustra carcerem sortita est. Ita impiè, nè capite damna ta captiuitatem suam, sibi non tam miserabilem, quam mirabile ipsa sentit. Ad solatium enim carceris in ipso carcere portenta patrare quotidiè iubetur administra numinis natura, quæ dum è vinculis abducere nobilem captiuam, eamque per vniuersas Mundi plagas deducere non posset, excogitauit, quomodo induceret, inferretque Mundum ipsum in carcerem ; ut ad fallendas captiuitatis horas, præsto esset Mundus planè solitorum. Per satellitium sensuum rerum omniū imagines accersitæ adesse iuben-

bentur. Satis felix foret humanæ mentis infelicitas, nisi etiam ingruentium cupiditatum assaultus vrgeret. Et verò quid homini miserius, cum eius mentem affectuum tumultus exercet, & irrequieto permiscet ambitu. Video ex illa fronte centum erumpere curas, mille simul diffluere lineas, rapit honorum fumus, gloria militiæ, questus mercaturæ, & si Deo placet, etiam Triphus Capitolij, & dum sibi vnum spectat, vnum intendit, sexcenta vellet, & qui ibi inhærere videbatur immobilis, idem, & ibi, & alibi, et nullibi, et vbique, peruagatur. Modò libens recedit à placito, modò inuitus contendit in vetitum, perinde, ac si velit, quod nolit, probet, quod improbet. In dubio fluctus, in pertinacia scopulus, percusus metu futuri mali miser est, antem miseriam: Elatus fastu, auras, et ventos captat, non intelligens quantum expediāt homini fugere ventum, qui puluis est. Si curiosus, omnium satagens, si deses, omnia negligens, sibi què inconstans, semper sua volubilitate rapitur.

Accedit ad miraculum, et humanæ sortis limites nimium excedit, nec intra mortalis est conditionis aleam, si quando homo huiusmodi in lutea, qua promitur materie constitutus, in tam misera percuntium conditione, in tam lubrico mortalitatis pondere, se se sarcum, tectumquè seruat, et in publica comilitonum strage, aut fuga adhuc pugnare obſistit vestigio hærens suo, Coclite maior, in ponte ingruentes sensuum furias, compescit solus.

Ad miraculum accedit, et prodigiū genus est, non minus rarum terris, quam gratum Cœlo, nulla vñquam obliuione delendum, nulla vñquam celebritate fraudandum. In hoc Theatrum affero Thomam. Hic est, quem in præsenti Sanctitati Vestræ proponere, ex mei muneric officio, debedo. Is nunquam sui dissimilis, adeò constanter eundem vitæ seruauit tenorem, vt eū qui semel viderit, eundem viderit semper. Eadem in viro hoc constantissimo, penè dixerim supra omnes, propositi sui tenacissimo, eadem inquam virtutes adeò floruerunt, vt nulla sensuum illecebra, nulla animi perturbatio, à recta virtutum semita deflectere coegerint, eò contendentem constantissimè, quò diuinum vocabat beneplacitum, Scilicet: In lege Domini voluntas eius.

Hispmania Sanctimonie ferax, magnorumq; virorum fœcundis-

57

dissima parens Thomæ dedit cunabula in oppido fontis plani Toletanæ Dioecesis anno supra millesimum quadringentesimo, octogesimo septimo, genitoresque sortitus est Alphonsum de Villanova, Lucianusque Martinez Castellana, ambos meritis pietatis insignes, quorum summa religio, vel ex eo summopere commendatur, quod fidei Catholicæ studiosissimi, suam domum Inquisitoribus in ea Prouincia S. Officij certum, perpetuumque hospitium esse voluerint. Puer nil puerile præseferebat, præter innocentiam, & nomen. Non ille (vt pueris mos est) aut flecti facilis, aut pertinax. Non rogitando impudens, non oblectando contumax. Alacer quo virtus vocasset, quo ludus, & voluptas immobilis. Parentibus obsequentissimus morem gerebat, quorum, præceptorumque dicta, veluti voces è Cœlo delapsas reuerentissimè excipiebat, quorumque iussa, non tam exhaudire, quam anteuertere satagens, totus ab eorum nutu pendebat, maximè erubescens, si quando ipsorum forsitan non præuenisset imperia.

Ipsius propensæ in pauperes voluntatis primæ significationes fuerunt, in tenera adhuc ætate, quæ alimenta perpetuò quidissimè appetit, refectiunculam sibi, gymnasium petenti, dari consuetam, propriæ necessitati denegare, vt eo cibo pauperculos refocillaret, sibique etiam indumenta detrahere, quibus aliorum tegeret nuditatem; & si quando mater è domo discedens, solitam pro egenis stipem, quam quotidiè dabat, non præparasset, obvia quæque alacri manu eis porrigere, ne de sua spe frustrati abirent, & si præter eos alij superuenissent, sui etiam prandij portionem libentissimè elargiri. Quod cum ea conditione perfieri à matre impetraret, vt ea die abstineret à prandio, pactis religiosissimè staret impransus omnino abiens.

Hæc, ut alia plurima taceā, quæ singillatim recensere nimium esset, nascentis huius lucidissimi Solis primi albores fuerunt, admirabilis futuræ eius lucis indices, ac prænuntij.

In ipso adolescentiæ flore, non solum vis naturæ vincere eum non potuit: sed nec etiam in minimo fleetere, cum maturis moribus lubricam frænans ætatem, inter blandientium vitiorum illecebras, pudicitiæ candorem illibatum seruans, carnemque relutantem, inedia, flagellis, catenisque in seruitutem redigens, post periculofissimum illud certamen victor euaserit, & in signum

H

inta-

intactæ integratatis ad Sepulcrum, florea redimitus corona, quasi triumphans elatus fuerit.

Vix quarto lustro expleto S. Ildephonsi Collegium, in Academia Complutensi, petijt, ubi non tam præstantissimi ingenij felicitate, quam assiduitate, labore, & constantia, quid quid bene loquendi artes castigant, quid humaniores expoliunt, quid facundiores illustrant, exhaustis.

Nec passus angustis hisce finibus se teneri, vastam Phylosophiæ, ac Theologię amplitudinem emensus, mirum quam ingenti omnium scientiarum studio animum locupletarit, quam diues euaserit. Euasit inquam? neque enim dum interiores illos naturæ recessus perscrutatur, ab intimo Cœli aciem amouit, ferriarum otia, quæ sodales oblectamentis addixerant, turbulenti semper, & non raro temulenti, ipse Deo taciturnus ante Crucifixi Imaginem, necnon in carnis castigationibus sacrauit.

Patre orbatus, ut suæ charitati erga pauperes incrementum daret, Euangelici dicti memor: Vade, vende omnia, quæ habes, & da pauperibus, rogauit matrem, & obtento eius affensu, paternam domum, vna cum reliquo patrimonio, nobilibus alienis fœminis addixit, atque ita bonis, voluntaria abdicatione relictis, de superis tantumodò cogitans, cœlestem in terris vitam, acturus, in ipso ætatis magis vigentis flore, renunciare sæculo, generosè deliberauit, seque in arctissima Eremitarum S. Augustini religione Sodalitij Salmantini inclusit. Vbi ea moderatio-  
nis, atque obseruantiae præstantia enituit, qua alijs regendis, exemploque firmandis à suo præceptore præpositus videretur. Religionem solemniter professus, rarus erat in atrio, multus in Templo, totus in precibus, in sacris euoluendis paginis non assiduus modo, sed perpetuus, ut Deo magistro disceret, quid agendum esset, dum fixum illi erat, non nisi agere, quod Deus iuberet: Omnes Regularis disciplinæ gradus mirabili celeritate emensus, ut vix biennio elapso Conuentus Salmantini Prior renunciaretur. Decebat enim religiosa perfectione cæteros antecedentem, cæteris etiam dignitate præesse. Prioris dein Burgensis Sancti Augustini, Visitatoris Prætoriatus Castellæ, ac Bethicæ, Provincialis, ac Definitoris pariter Castellæ, Priorisque Vallisoletani munia inter omnia plausus obiuit. Regula-  
rium

rium scilicet dignitates non substituit, sed illustrauit. Quibus in muneribus sollicitudine, assiduitate, ac vigilantia nunquam defessus in numerum totius insuper ordinis Reformatorum ascribi meruit.

Verum ex illis claustris fama sanctitatis Thomæ erumpens, ad aures Caroli V. Imperatoris, atque eius filij Philippi Regis Catholicæ delata p̄issimi illi æquè, ac Potentissimi Principes, è re Christiana fore censentes, illud præclarissimum lumen, non sub vnius Cœnobij modio latèrē, sed supra candelabrum positum toti Ecclesiæ lucere, illum ad Archiepiscopatum Granatæ tunc temporis vacantem Pontifici præsentarunt. Quem tamen honorem, homo ab omni mundano fastu penitus alienus, quandiu potuit constantissimè recusauit: à quo proposito nunquam etiam receperisset, ni eius Superiorum auctoritate intercedente, obedire coactus fuisset. Eis siquidem in vim sanctæ obedientiæ, censorumque insuper comminationibus seuerè præcipientibus, cum non humiliter obtemperare, contra votum à se emissum esse existimaret, se humiliter Diuinæ vocationi subiecit.

Verum cum eodem tempore Ecclesia Valentina, ob diutinam Pastoris orbitatem, celerem reparationem exigeret, nec melius eius Cleri, plebisque necessitatī consuli posse videretur, quām Apostolicis Thomæ virtutibus, illum, Granatensi sede præterita, ad Valentinam mittendum potius esse censuerunt, vbi utiliorem Deo operam nauare potuisset.

Episcopale ministerium à requirendo, quod perierat auspiciatus, incredibili sollicitudine, quidquid infirmum erat consolidauit, quod ægrotum sanauit, quod confractum alligauit, quod abiectum reduxit. Quid enim unquam pro suo pastorali munere prætermisit? Quid non præstitit, quod vigilantem pastorem deceret?

Exactissima Sanctionum Ecclesiasticarum obseruantia, clericalem disciplinam restituit. Diuinis laudibus ad singulas horas præsens, Deo frequentiam reddidit; impollutæ vitæ exemplo modestiam, honestatemque reparauit, seque omnibus præeunte, perditos, deuiosque ad rectam tandem facile reuocauit.

Eius studium erat, inimicos conciliare, dissidentes compone-

H 2 re,

re, scandalata refecare, pupillis, orphanis, viduis, calamitosis, & cuicunque miserabili subuenire, suoque patrocinio tueri. Pauperes siquidem omnes, ut carissimos filios in visceribus habebat.

Ecclesiæ, temporis iniuria dirutas, restaurando, Diuino honori consulebat: ac cerimusq; Ecclesiastice dignitatis, atq; immunitatis viindex, rebus, personisq; sacris omnium reverentiam obstraxit, ea in violatores seu ritate animaduertendo, vt vellet eos præ foribus etiam Ecclesiæ publicam poenitentiam agere, & demum ut breuiter multa perstringam, ipse factus forma gregis, inculpatæ vitæ normam diuini prædicatione verbi præscripsit, potens in opere, & sermone cunctorum rexit affectus, actusque direxit. Singulorum correxit excessus, honestauit mores, vitamque composuit.

Ex quibus licet pateat, qui nam in Thoma omnium virtutum consensus esset, tamen de heroicis, Christianisque potissimum, quibus eis temporibus solus sine emulo claruit, pauca subtexam.

De viua, atque ardentissima eius fide, tot præcones habemus, quot opera ipse fecit. Sicut enim in fide est operum ratio, ita ex operibus suæ fidei fortitudinem probauit, palam omnibus, ac Philippo potissimum Rege Catholico audientibus hæc verba (de ineffabili Trinitatis mysterio loquens) pronunciauit. Dicam filij tametsi vobis non à temeritate distare forsan videbor. Fides tua Domine in Sanctis tuis, qui in huiusmodi testimoniorum scrutinio versantur, vix fides est, quando iam de fide in clarissimam lucem transferit, cui firmissimo innixus fundamento addebat. Tolerabilius sibi fore in infernum præmitti, quam Deum unquam obliuisci, cuius sibi fides certissima erat.

Paupertatem quam Christus sua æstimatione pretiosam fecit, velut proprium Ecclesiasticorū patrimonium adamauit. Non oblitus Christum suis discipulis prohibuisse, ne duas tunicas haberent, vna contentus fuit, quam ex veteri scapulario proprijs manibus non tam consuerat, quam contexuerat. Storeæ eius cubiculi ornamenta erant in lectulo vili, atque abiecta, & super sarcinæ etiæ tantillū capiebat quietis frugalis illi mensa fuit ad solam tantummodo refectionem, de qua, quid superesset pauperibus dari iubebat. Non peram, non loculos habebat, sed pecuniam,

vt

ut pro se orarent, in sinu pauperum recondebat.

Seimethominem noscens profundissima humilitate sibi ipsi yilescebat; de magisterio Christi, qui solam humilitatem docuerat, superbiam non addisci dicebat. Qua in scola eruditus semet ipsum contemnens obtrectationes, & ludibria, nihil faciebat. Contumelias, & iniurias non dimittebat solum, sed ex eis gaudebat, quibus ærumnas patiener ferendo, præpararentur, ab omnique fastu abborrens, Archiepiscopus renuntiatus, è monasterio ad Ecclesiam pedestervno loco comitatus in habitu monachali perrexit. Germanumque fratrem summopere ornatum ad se illuc venientem, non agnoscere simulauit, quem postea honestiori habitu indutum, vti fratrem excepit, solisque quinquaginta nummis donatum dimisit. Quare non mirum si profundissimæ humilitatis fundamento innixus se usque ad Cœlum sua sublimitate extulerit.

De prodigiosa Thomæ charitate verba non facerem, nè crederer forsan magis mira, quam vera narrare, nisi ea è publicis, probatissimisque documentis defumpissim.

Ardentissimæ charitatis feroe totus in Deo, & Deus in illo erat; nō tam Episcopus animarum, quam Pater pauperum, omnes suæ Diœcesis exurientes repleteuit bonis: Eos vti sacri patrimonij Dominos habebat, se verò, vt bonum patrem familias pro dispensatore solum gerebat. Vt Ecclesiasticas opes fideliter distribueret, egenorum Catalogum conscriperat, & penes se retinendo, inter eos integrum censum ea severitate divididebat, vt quandoque ei etiam necessaria deessent. Et si Episcopalis mensa ad omnes substantandos forsitan non sufficeret: exigua supelletili, ipsa ueste supplebat, quam vnicam habebat. Qua in dispensatione non respiciens carnem, & sanguinem, matrem ipsam repulit, pro duobus consanguineis flagitantem: dicens, ea pauperum esse; licet obsequij filia lis non immemor, quinquaginta folos nummos utriusque donans, ne pauperes fraudaret, dimidium è consueta mensæ portione detraxit. Suæ Diœcesis captiuos à Maurorum seruitutē proprijs sumptibus redemit.

In alendis projectis, ingentem aureorum summam impendebat.

In adolescentes piè, ac liberaliter educandos magnos prouentus

uentus attribuit. Collegijs Valentino, Oriolensi, ac Salmantino, è quibus successuis temporibus, non pauci doctrina, ac sanctitate illustres prodierunt, quemadmodum, & nubilibus puellis pro eorum egestate, & conditione largè subueniebat, & nobilibus etiam quingentorum aureorum dotem (ex illorum temporum consuetudine amplissimam) assignauit. Ita ut dici possit nullum hominum genus in ea Prouincia fuisse, quod sua largitate, ac beneficentia ab indigentia non liberauerit. Quo misericordiae opere, eos etiam à peccatis eripuit, cùm nullum sit scelus, ad quod necessitas, & inedia non impellant.

Et quia efficacissima est ad exorandum Deum postulatio, cui pietatis opera suffragantur, non mirum si Thoma pro indigentibus flagitante, vacua ipsius horrea, in quibus, ne quidem granum frumenti remanserat, ita momento temporis exuberarint, ut nec etiam præ nimia affluentia fores aperiri possent. Miraculum certe grande, quod omnium forsitan miraculorum admirationem superat, cùm non vt olim in solitudine panes ex panibus multiplicauerit, sed ex nihilo noua frumenta creauerit? Et quid etiam maius cum ad cumulum voluerit Thomæ eleemosynis miraculosam vim inesse, vt patuit, cùm quædam miserabilis quadraginta annorum paralyſi afflita, una cum stipe ab eo integrum sanitatem recepit.

Eadem charitate exæstuans, se præ eis holocaustum offerebat, quos obsecrando, & arguendo corrigere non potuisset. Eis enim præsentibus se usque ad sanguinem flagellando, semetque eum lachrymis increpando, cuius peccatis factū fuisse dicebat, si non resipuerint, sic compungebat, vt non pænitere, & non ad meliorem frugem redire non possent. Sacerdotem eius monita spernentem non minis terrendo, sed solis blandissimis verbis rogando, ad rectam semitam reuocauit.

Canonicum suæ Cathedralis Romam mittendum ad se vocauit, ac in proprio cubiculo semestri detentum poenitentiæ auocauit.

Michael Vincentes concubinatus fœdatus criminе, ad Concubinam demittendā adactus, quam Thomas inter poenitentes mulieres in Monasterio clauserat, per fenestram è Cœnobio nimis audax extraxit. Sed eum tametsi Ecclesiastice immunitatis indignum,

dignum, non minis non carceribus territ, sed sola tantum clementia, emendatum exemplar in posterum omnibus præbuit.

In mentis eleuatione nimis assiduus, à concionibus alijsque sacris functionibus se abstinere cogebatur. Inter quæ illud preteriri non potest, Quod die Ascensionis Dominicæ Officium Diuinum psallendo ad anthiphonam Nonæ, quæ dicit, *Et videntibus illis eleuatus est*, ipse quoque eleuatus per duodecim horarum spatium, omnibus videntibus, immobilis mirabiliter permansit.

Solatia è calamitatibus emergunt, cum Cœli præmia augentur. Cum in febrim incidisset Episcopo Segriano, desperatam eius salutem nuncianti, gratias egit, & miro cum iubilo dixit. *Letatus sum in his, quæ dicta sunt mihi in Domum Domini ibimus*, addendo, si adhuc Populo tuo sum necessarius non recuso laborem, sin minus, cupio dissolui, & esse tecum.

Hic verò illud suæ paupertatis testimoniu prætercundum mihi non est. Quod peculio domestico iam diu consumpto, quæ pauperimæ supellectilis extabat, inter pauperes familiares partitus est. Oblitus cuiusdam Commentariensis patris familias, cubile, in quo ægrotans iacebat, cum nil aliud ipsi superesset, ei donauit, & vt tunc quod suum erat auferret, innuit. At renuentibus adstantibus, id agi non posse, nisi eius celerioris vitæ periculo afferentibus, Thomas mira humilitate pro visceribus Christi usum cubilis usque ad mortem à Commentariensi postulauit.

Per Oeconomum quinque milliū aureorū summam propalatam, haud oblitus, sacras opes esse alimenta paupertatis, non oblectamenta superbiæ) pauperibus distributi mandauit, at ei relato omnibus pauperibus Ciuitatis abundè subuentum esse, & adhuc mille, & quingentos aureos superesse, memor, Cœlum quoque esse venale, si pia liberalitas proxeneta fiat, eos itidem illis dari iussit. Iamque omni, quod mortale saperet exutus, quibuscumque terrenis expoliatus, cum se iam proximum Cœlo videret, ad immortalitatis præmia properans, dixit. Cur me hic detinetis adhuc, nè ad gaudendum bono, quod mihi parauit Dominus, euolem? Properate igitur, & opus absolute, ne ipse hic diuinus in labore anxius viuam, sed tandem in pace quiescam: Et Deo gratias agens addidit: Nunc latus ad agonem propero, & iufsit

fit se sancto oleo muniri ; Cleroque vocato vitæ sanæ moniam ,  
perpetuamque erga Sedem Apostolicam obedientiam ex testa-  
mento legauit . Sacrum post hæc audiuit , & in Eleuatione Ve-  
nerabile Sacramentum mira deuotione, ac humilitate adorauit.  
Denique lachrymarū vim profundens recitauit Psalmum . *Nunc  
dimittis seruum tuum Domine : eoque absoluto subdidit, in manus  
tuas Domine commendō spiritum meum, & hæc dicens, ut perpetuo  
in Cœlis fulgeret, extinxetus est die octaua mensis Septembbris  
MDLV. inter septimam, & octauam horam.*

Sed Deus magnalia, & mirabilia faciens, aliorum quoque te-  
stimonio post obitum sui Serui merita declarauit, quorum pauca  
hit attexam, ne singula recensendo, dies deficiat .

Duos mortuos ad vitam reuocauit: Paulum Franciscum Car-  
donam post septem mensium febrim extintum : Sperantiam Va-  
leriam decem itidem mensibus febre consumptam non solum ad  
vitam, sed integræ etiam sanitati restituit .

Ophtalmia, usque ad cæcitatem afflictam Marcellam de Liza-  
nia nullis humanis adhibitis remedijs, eo intercedente luci re-  
stituit .

A' carcinomate Franciscam Nadal liberauit , & Catharinæ  
Vincentiæ Rosellon innumerabilibus plagis per quinque annos  
cruciatae, insperatam salutem attulit .

Petrum Antonium Sutoriem ex neruorum contractione per  
biennium claudicantem, iam inutilem, sanauit .

Iacobus Ceruera Cæmentarius, ulceribus insanabilibus ple-  
nus, ab eo reintegratur .

Vincentius Ciprer neruis ex paralisi solutis, sanitatem impe-  
trauit .

Arida vbera Catharinæ Montaltæ ad infantulum sustentan-  
dum lacte illico affluere fecit .

Ludouico Lemosy sic per sex annos pedibus laborantem, vt se-  
mel , & bis in mense , & quandoque etiam perpetuo cubili im-  
mobiliter inhæreret, bases, & plantas consolidauit .

Quatuordecim annorum hernia Ioannem Tubicinem affli-  
ctum pristinæ saluti restituit .

Septennem Puellam Vincentiam Mattheù in puteum delap-  
sam ex aquis per tres horas submersam, eripuit incolumem .

In

68

In quibus supra naturæ vives sanationibus, cum datus Dei  
manifestè appareat, ad preces, tum ipsius Philippi Tertiij Regis  
Catholici, tum Regorum, Vniuersitatum Hispaniarum, to-  
tiusque Ordinum Eremitarum Sancti Augustini, Populorumque  
omnium processus, tam in genere, quam in specie formatus fuit,  
& legitimis præcedentibus probationibus, primùm discussis in  
Rota, & Sacrorū Rituum Congregatione: Paulus V. glorijs me-  
moris de voto eiusdem Congregationis Thomam, uti Beatum  
colendum esse, ad eiusque Canonizationem ritè, ac rectè deue-  
niri posse declarauit. Verum, quia superuenientibus decretis  
Vrbani Octavi fœlicis recordationis, fuerunt compilati proces-  
sus, quibus coram S. V. discussis declaratum fuit, constare de su-  
percrescentia famæ: Postremò per eādem Sac. Rituum Congre-  
gationem sanctum fuit, posse quandocumque deueniri ad So-  
lemnem Canonizationem. Pro qua Rex Hispaniarum Catholi-  
cus Regnans, Regorum Vniuersitates, & Totus Eremitarum  
Sancti Augustini Ordo humiliter apud S. V. instant.

Successivè Reuerendissimus Dominus Franciscus Nerlius Ar-  
chiepiscopus Florentinus, Cappa indutus, Breuum Principum  
à secretis, stans in sinistro solij latere in hæc verba respondit.

Quod Sanctorum honores, & solemnia Sacra Beato Thomæ à  
Villanova ex Augustiniana professione Archiepiscopo Valenti-  
no petantur, Sanctiss. D. N. libenter audit, & Religiosarum pre-  
cum pietatem, animi Paterni cura, & benevolentia complectitur.  
In quo sanè Pontificiam mentem subit, Christianæ Reipublicæ,  
sive nquam aliás, vel hoc maxime tempore, Procerum Cœlestis  
Hierusalem, & Domesticorum Dei salutari patrocinio, ac tutela  
opus esse, quæ misericordiarum Patre demum exorato, tamdiu  
expeditæ Pacis tranquillitatem reducat, ac turbinum tot procel-  
las, quæ prementes, quæ imminentes, auertat. Tantus autem  
tamquæ probatus Altissimo Sacerdotea prorsus eximiarum vir-  
tutum, & rerum miraculosè gestarum gloria excellit, vt planè  
videri possit. Scriptus in iudicij temporum lenire iracundiam Do- Eccles. 48.  
mini, conciliare cor Patrum ad filios, cor filiorum ad Patres, & resti- Mal. 4.  
tuere Tribus Jacob. Porro autem admirabilem Virum vniuersæ  
quidem præcellentis Sanctimoniac laudes insigniter exornant,

sed una velut in iure suo totum sibi vindicat; incomparabilis, & in-exhausta erga Christi Pauperes liberalitas; vnde præclarum illi Cognomen Eleemosynarij; adeò ut Pastoralis Caritatis studijs vehementer inflammatis, egregium, nec à longinquis sæculis petitum exemplar, Sacris omnibus Præfulibus ad imitandum proponi possit. Cum igitur huiuscmoditam pia, iamquæ publica quoquæ fidelium vota ad maiorem D. O. M. gloriam, & Ecclesiæ totius decus, & utilitatem tantopere pertinere videantur, est sane cur merito gloriatur ampla Sanctorum Virorum prole felix Hispania; cur Episcopalis ordo verè gaudeat, & sublimis instituti sui Charismata meliora etiā in huius penè temporis hominibus agnoscat, & emuletur; Est quod Augustini Magni familia tanto sibi placeat Alumno, & illustrioribus Observantiae Religiosæ exemplis identidem admonita, & ornata perfruatur; Vniversus autem Christianus Orbis exitiosis cladibus, quæ iam per tot annos eum miserè dilacerant, atque conficiunt, finem aliquem speret, nouis, ac validis Cœlitum præsidij auctus, & vel tantarum celebritate, & admiratione virtutum ad exiendum cum actibus suis veterem hominem, & vtricis Iustitiae Dexteram, exarmandam provocatus, & instructus. Sed quoniam ratio, & Sanctæ huius Ecclesiæ mos exigit, vt etiā post iuratos Testes auditos, & acta omnia ritè, ordinequæ confessa, non sine Iustorum Orationibus, & Cælestis Oraculi illustratione prævia, tantes transfigi debeat; Sanctitas Sua omnes hortatur, vt Ieiunijs, Eleemosynis, & accuratis precibus piè, ac sedulò incumbant, quæ Diuina voluntas, prælucente Spiritus Sancti lumine, dilucidius adhuc reueletur. Ipsa verò Venerabilium Fratrum suorum S. R. E. Cardinalium sententias exquireret, tūm Patriarchas, Archiepiscopos, Episcopos in Vrbe existentes audire quoque volet. In hanc sententiam respondere me iussit S. D. N. elegantissimæ Orationi modo habitæ.

Tandem Seniores Diaconi Cardinales ad Pontificem redierunt, qui è solio descendit, & sedem gestatoriam rursus concendit, eaquæ delatus est ad Cubiculum (Paramentorum vulgo nuncupatum) eo ordine, quo ad Consistorium accesserat: Sacris verò indumentis exutus, ad Cubicula secreta se recepit.

Post

Post Vesperas eiusdem diei Mandatarij Eminentiss. D. Cardinalis Vicarij affixerunt in Valuis Ecclesiarum Vrbis, necnon in publicis Ciuitatis eiusdem locis, Edictum Italo idiomate, tenoris, ut sequitur, Typis impressum.

## Indulgenza Plenaria

Martius miseratione Divina Episcopus Albanen. S.R.E. Cardinalis Ginettus, Sanctiss. D. N. Papæ Vicarius Generalis, Romanaque Curiæ, eiusque districtus Iudex ordinarius &c.

**L**A Santità di Nostro Signore Papa Alessandro VII. concede Indulgenza plenaria, e remissione de' peccati à tutti i fedeli Christiani dell'vno, e l'altro sesso, i quali digunaranno Mercordi, Venerdì, e Sabbato prossimi, e confessati, e comunicati visitaranno vna delle infrascritte Basiliche, mentre viserà esposto il Santissimo, e la Chiesa di Sant' Agostino in vn giorno della prossima settimana, e deuotamente pregheranno la Diuina Maestà, che ispiri Sua Beatitudine, e le assista nella graue deliberatione della Canonizatione del Beato Tomasso di Villanova Arcivescouo di Valenza dell'Ordine di Sant' Agostino.

## Il Santissimo farà esposto.

Nella Basilica di S. Gio. Laterano, Domenica 15. del corrente sino al Martedì ad hora della Messa Conuentuale.

Nella Basilica di S. Pietro da Martedì dopò la Messa Conuentuale sino à Giouedi ad hora dell'istessa Messa.

Nella Basilica di Santa Maria Maggiore dal Giouedi dopò la Messa Conuentuale sino al Sabbato ad hora della medesima Messa.

In quorum fidem &c. Datum Romæ ex ædibus nostris hac die 11. Septembris 1658.

M.A. Episcopus Hieropolitanus Vicegerens.

Joseph Palamolla Secretarius.

I 2 Die